



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/108

Churachandpur

email : hmasawnatharnews@yahoo.com

Phone: +91-3874-236846

Rs 6/- per copy

Training of Master Trainers nei



CCPUR: 11th Manipur Legislative Election hung um ding le inzawmin January 28, 2017, 11AM khan District Election Officer (DEO), CCPur hmalaknain BRGF Resource Centre, DC Office, Tuibong hmanah Training of Master Trainers nei a nih.

Hi huna hin Hnurlian-sang, Nodal Officer, Training Management, Election, CCPur chun Election huna Officer dang dang hai hriet ding le election fedan le thil thaw dan ding, zui le zawm ding hai hrihrieta na nei a. Master Trainers han thil hrietthiem lo an nei hai in dawna hun hawng a ni bawk.

Children Star Grand Finale

CCPUR: Phairam district RPCNEI Naupang Sunday School inkhawmpui a vawi 35-na chu Lamka Biekin-ah nei mek a ni a, Jan. 29, 2017, zing inkhawm 10:30 AM in inkhawm um nawk a ta, Rev. Dr Vanlalngakhang, GS, RPCNEI in Pathienthu hrii a ta, inruolsiekna um bawk a tih. Zang-

tieng 1:00PM hin Children Star Grand Finale um a ta, zan hunah Rev. Lalkhumvel Joute, DS, phairam District RPCNEI in thuhrii na nei a ta, inruolsiekna lawmman semna um bawk a tih. Zanikhan section thu le laa inruolsiekna nei a ni bakah Cheoreography khawm thaw a nih.

CHANCHIN LAKTAWI

Lamka College
CCPUR: January 30, 2017 a inthawk Lamka College hawng tan nawk ning a ta, 2nd, 4th le 6th Semester inchuklai hai ta dingin regular class tan ngal ning a tih tiin Principal, Lamka College chun inhrietirma a siem.

Training an nei


CCPUR: Divisional Baptist Children Department Committee (DBCDC), Lamka North Division, EBC chun zani 7AM a inthawk khan EBCC Hiangtam Lamka hmanah "Kristian Sinsakmi" ti thupui hmangin hotuhai ta dingin training an buotsai. Session hnua thein resource person dang dang han thupui hnan hmaning inchukirma an nei.

GAS NEWS

Agency : KIM JOE
Booking : up to 17th. Oct. to 17th Nov, 2016
Delivery : 30.01-2017 (Mon)
Time : 8:00AM - till stock
STOCK : 306
Rate: Rs. 737/- bring exact change

HT weekly-100n

"Manipur tak hi chu aw... aw!! Economic Blockade! Separate State! Separate Administration! Bandh/Dharna... ti ngat ngat. Buoina ngawt, buoina ngawt ka lekha inchuk khawm ka tha a sukfan naw deu... ka aim in life a mi sukbuoi zo vawng an tah... IAS or IPS ni phawt a, Politician ropui tak ni ka la tum vei leh... tuhin District thar 7 a la hang piengsa nawk ve bawk a, District 16 zet a ni lem lem chun iem a chang pei ding maw?... MLA Election ding hlak chu a thienghlim hmel naw si... mi ieng ang mi am MLA dingin an hung suok dawm ding chuh..."



Manipur a lampui siemna dingin Rs. 22,000 crores Centre in a hung sanction nawh: O.Ibobi, CM

IMPHAL: Manipur Congress party chun chun zani khna Congress Bhawan, Imphal hmanah political convention-cum-reception of joining of Councilors and active workers of NCP and BJP an nei. Hi huna hin National General Secretary le in-charge of Manipur, CP Joshi; General Secretary AICC Manikon Tagore, Co-ordinator AICC Ramlal Jha, Co-ordinator AICC MP Wangchuk, Deputy Chief Minister Gaikhangam, President MPCC TN Haokip, Parliamentary Secretaries, MLAs le party workers hai an thang tawl.



Hi hina Chief Minister O.Ibobi Singh in thu a hrii naa chun BJP chu Manipur ram thedar nuom NPF le thangruol NSCN(IM) hai thlawp party a nih tiin a hrii a. Sawrkar thlungpuiin Manipur-a lampui siem-t hatna ding in Rs. 22,000 crores a hung sanction nia hrii chu thudiklo a ni thu hriin, PWD hnuoia Manipur-a National Highways km. 350 siemthatna dinga Rs. 25 crore proposal um lai Rs. 3 crore chau Centre in a hung sanction thu a hrii bakah thil chite te hawng dinga inzing uta Manipur an hung inzin chun a state sunga hmasawanna

inrawinaa Centre-a NDA sawrkar chun mipui a bikin mi pasie hai ta dingin harsatna nasa tak an tlun a, NDA government ni lovin Modi Government tia ko lem ding awm tak a nih tiin a hrii. PM Modi in demonetisation a thaw chu Mr Joshi in nasa takin a dem a, hi thila hin thil inthup (hidden agenda) a um a nih tiin a hrii.

Zanita Congress political convention huna hin Hiyanglam A/C a inthawka BNP ticket a ngir tum, BJP ticket chang ta lo Maibam Dhanabir chun Congress party a zawm a, lawmlutna hun hmang ngal a nih.

Jan. 30 ah Martyr's Day

IMPHAL: Home Department, Govt. of Manipur huoihawtnain March 30, 2017 1010AM-1104AM inkar sung khin GAndhi Memorial Hall, Imphal-ah India ram zalenna dinga an hringna lo inhlam ta hai hrietzingna le inzanain Martyr's Day hmang le ursun taka inser ning a tih. Hi huna hin Governor Dr Najma A. Heptulla khuolien le CM O.Ibobi Singh functional president in thang an tih. Martyr-hai sunna le inzana minutes 2 sung totawka hun hmang ning a tih. Warning signal in 1059AM-1100AM sung siren inrikir ning a ta, closing signal in 1102AM-1103AM inkar sung siren sukrin ni nawk a tih.

Security thatawk pek nihai sien chu thautui harsa taluo a naw nih: IOC



NEW DELHI: Indian Oil Corporation (IOC)-a Imphal Divisional Officer Chief Divisional Retail Sales Manager Sinam Ibungoton chun, Thautui phurthu Oil tankers hai security tha le indaitawk pek nihai sienla chu Manipur-in tuta ang em em hin thautui thauh harsatna a tuok naw ding thu a hrii. Economic Blockade um hma khaan thautui phur convoys 24-25 fe hlak kha November thlain convoys 5, December in convoys 4 le January thlain convoy 8 chau an fe thu a hrii.

Economic Blockade lein tuta hmaa thautui (petroleum products) 5000 KL phurthlung hlak kha tuhin 2000 KL chau phurthlung a nih. August thla kha Petrol 4796 KL; September thlain 5134 KL; October thla kha 4742 K; November thla in 2388 KL; December thla in 1614 KL Manipur-ah phurthu a ni a, January thla sungin 1867 phurthu a nih tiin a hrii. A thlangpuiin Manipur in nikhata Petrol a mamaw zat chu 160KL le Diesel 262 KL a niin ei thu dawngna chun a hrii.

Malom Oil Depot-a thautui (Petrol) stock um po hi ni 7 dai ding le Diesel stock um po chu ni 9 dai ding a ni a, LPG ni 2 dai le Aviation fuel ni 15 dai ding a um a, security thatawk pek nihai sienla chu Manipur state in thautui thauh harsatna hi neinaw nih tiin Sinam Ibungoton chun chun a hrii a, state sawrkar chun thautui thauh harsatna sukre tumin November 17, 2017 a inthawk khaan theitawpin hma a lak thu a hrii bawk.

Feb. 3 a tripartite talk nei dingin

IMPHAL: Manipur state sawrkar le United Naga Council (UNC) hai chu February 3, 2017 a New Delhi -a tripartite talk/meeting neipui dingin Ministry of Home Affairs, Government of India chun fielna a hung siem tiin S. Milan, General Secretary, UNC chun a hrii. Fielna lekha hi UNC chun a hmu ta a, fielna lekhaa hmang signtu chu A. Radha Rani, Dy. Secretary to the Ministry of Home Affairs, Govt. of India a ni a, fielna lekha hi January 27, 2017 zantienga hmu a nih. Tripartite talk hi Feb. 3, 2017, 3PM a Conference Hall, North Block, New Delhi a nei dinga ruot a nih tiin S. Milan chun a hrii.

NEW DELHI: Prime Minister Narendra Modi in zanita New Delhi hmanu NCC rally a thu a hrii na a chun, NCC cadet hai chu India in digital economy ni dinga a hmalakna chu thangpui zawm pei dingin a fiel a, NCC haiin digital transaction le inzawma an hmalakna fe mek chu sunzawm pei dingin infuina a pek a nih. Prime Minister chun, India mipui abikin, thalai hai chu technology hmehriet awlsam an ti thu hriin, inthlada lova thang la dingin a fiel tawl.

Dimapur-ah Army Recruitment Rally

IMPHAL: March 5-7, 2017 inkar sung khin Bhagat stadium, Rangapahar, Dimapur, Nagaland-ah Army ding lakna (Soldier General Duty) a um ding a nih. Hi taka hin Manipur le Nagaland a cheng Naga/Kuki, Hill Tribes le Indian Gorkha hai chau an thlang phal ning a tih. Inghnikna nei hai chun online application hmangin Jan. 25, 2017 a inthawk Feb. 24, 2017 chenin hnina pek klut thei ning a tih. Candidate -hai chun Feb. 25, 2017 a inthawk e-mail ID/

Nupui pakhat thisa ruang hmu



IMPHAL: Zani zingkar kha Kwakta Ward No. 3 huop sunga leilet lai nupui pakhat thisa ruang hmu a nih. A hnungin mithi hmang hi Akina Begum (45) a nih ti hrietsuok a nih. A thina san hriet a ni nawh. A thi

Congress MDC 2 le Ex-MDC 1 han NPF an zawm

IMPHAL: Autonomous District Council (ADC), Ukhruol hnuoia Congress MDCs pahni, S. Thotasheng (23-Kasom Khullen), Sasom Khodang (19-Grihang) le Ex-MDC Hopping Jajo hai chun Congress party suksanin Naga Peoples Front (NPF) an zawm a, zani hmasa khaan NPF Office, Dewlaland, Imphal-ah NPF mi le sa dinga lawmlut an nih. Ukhruol ADC-ah members 24 an um a,

NCC-in digital transaction le inzawma in hmalakna sunzawm pei ro: Narendra Modi

NEW DELHI: Prime Minister Narendra Modi in zanita New Delhi hmanu NCC rally a thu a hrii na a chun, NCC cadet hai chu India in digital economy ni dinga a hmalakna chu thangpui zawm pei dingin a fiel a, NCC haiin digital transaction le inzawma an hmalakna fe mek chu sunzawm pei dingin infuina a pek a nih. Prime Minister chun, India mipui abikin, thalai hai chu technology hmehriet awlsam an ti thu hriin, inthlada lova thang la dingin a fiel tawl.

PM chun, NCC haiin India mission hlawtingna dingin hma an lak thu a hrii a, camp an neina a inthuruol taka sin an thawna lein, India mipuihai chu a sukthafan hle thu a hrii. NCC hai chu hrii sa bawk.

Health Mela nei a nih

CCPUR: January 27, 2017, 10AM a inthawk khaan District Health Society (DHS), CCPur huoihawtnain Tuining khuoah Health Mela nei a nih. Hi huna hin Dr Vanlalung, MO i/c Saikawt PHC; Dr Zarzolien, Senior Medical Officer, Dist. Hospital, CCPur; Dr Robinson Lalnunpui, MO, CMO Pool le Dr Ngahneikim, MO, CMO Pool han damnaw hai hriselna an enfel a, Nurses 6- Lalrouipi, Lalremruot, Zoudimpui, Loisy, Lalpar-mawi le Lalhingiani han a pawimaw le tul angin an thangpui a, Malaria Dept. a inthawk V. Pauminlun, T. Singkhankhup, Chingboi,

Republic Day an hmang ve

CCPUR: Jan. 26, 2017 khaan Henglep Headquarters a chun 68th Republic Day hmang a ni a, hi huna hin Chungenmang, MCS, SDO/BDO Henglep Chief Guest in a thang a, Dr A Ibotombi Singh, MO Henglep le Inspector MAG Masood OC, Henglep hai Guest of Honour in le Captain JP Singh chu Functional President in a thang. Lal iemanizat kuomah Lal Puonsen insiltir an ni bakah tar tieng-pang iemanizat puonlum insiltir an ni bawk. Hi huna hin 25th Assam Rifles, Henglep han National Anthem, parade le weapon display an nei.

India mipui mi chihran le zie hnan hnan nei inthuruol taka um hai suklangtu an ni thu hriin, India hmehlmang NCC cadet haiin an pholang niin PM chun a hrii a, NCC cadet hringnun chu uniform, parade le camp khel dai ani thu PM chun a hrii sa bawk.

CHANCHIN LAKTAWI

Meghalaya Raj Bhawan thawktu 3 ban

SHILLONG: Meghalaya Governor V. Shanmuganathan Governor a ninna inthawk an ban hnungin Meghalaya Raj Bhawan officials 3- Public relation officer Chinmoyee Deka le Emdorini Thangkiew hai le Private secretary Saurav Pandey hai chu an sina inthawk ban an nih. Hieng official pathum hai hi V. Shanmuganathan Governor hun sunga lak (appointed) an nih. An sin hi contractual basis a Governor hun sunga dinga lak an ni a, Governor an ban ta lein an sina inthawk inban dinga inthawktir an nih tiin HM Sangpliang, Secretary to the Governor chun a hril.

Akhilesh le Rahul han joint campaign

LUCKNOW: Uttar Pradesh Assembly Election hung um dinga Samajwadi Party (SP) le Congress han thanguol dinga inremna an siem hnungin Uttar Pradesh Chief Minister le SP Chief Akhilesh Yadav le Congress Vice President Rahul Gandhi hai chun January 29, 2017 hin Lucknow khawpuiah joint campaign dalkar 3 sung aw ding road show nei an ta, zantieng huna press conference nei an tum bawk. Joint press conference huna hin an alliance slogan 'UP ko yeh saath pasand hai' tlangzar an tum bawk.

Bank inlarna-ah electric in a man hlum

BALLIA: Uttar Pradesh a kum 52 mi Puranmashi chu zanita Bank a pawisa lasuok tuma an tharna-ah thaw suol pal lein electric in a man hlum. Puranmashi chu Sahatwar branch State Bank of India (SBI) a pawisa lasuok tum niin, an tharna bula transformer a bag siana-ah a bag a sie laiin, electric a lo fe thei leia a man a nih. A hmuna a thi nghal a, a ruong post-mortem thaw ani a, thil tlung le inzawmin Police haiin case an zieklut bawk.

PM-in Lala Lajpat Rai inzana pek

NEW DELHI: Education-ist ropui tak le freedom fighter Lala Lajpat Rai a pieng champha phak le inzawmin, zanikhan Prime Minister Narendra Modi chun inzana a pek thu a puong a. Twitter hmanga thusuok a siema chun, Lala Lajpat Rai chu a houisenna leia anza thu, mi indiktak ani thu le khawtlang le ram huopa indiknawna hai houisen taka dolet hlaktu ani zie thu a hril.

Mizoram khawmin HP Zawng a dit bik nawh



SHIMLA: Himachal Pradesh-a Zawng (monkey) tam leia mipuiin harsatna an tuokna tuah sawrkarin a state sunga Zawng hai North East tienga thawnludinga rawtna a siem Nagaland sawrkarin a hnawl hnungin Mizoram sawrkar khawmin Himachal Pradesh Zawng Mizorama laklut a nuom biknaw thu Himachal Pradesh sawrkar kuoma an tlun ta niin Dy. Conservator of Forest (HQR), Dept. of Environment, Forest and Climate Change, Mizoram C. Lal-

biaka chun a hril. Himachal Pradesh chun NE states dang Sikkim le Meghalaya sawrkar hai kuoma khawm a state sunga Zawng hai an state- a phurlut phalpek dingin ngenna a lo siem ta a nih.

Humane Society International chun HP a Zawng hai India hmarsak states haia sawnlut hi a dodal, hi thua hin Union Ministry of Environment and Forest and Climate Change kuoma khawm ziekin a remtinaw thu hi a lo intlun ta a nih.

Kum tling 99% in Aadhar Card nei

NEW DELHI: India rama sungkuo 111 crore hai chu Unique Identification Number (UIN)-ah an inzieklut ta lein, kum 18 chungtieng hai laia 99% in Aadhar card an nei tah a hril a nih. Dawrkai haiin Aadhaar-enabled payment system (AEPS) an hmang besana siem AadhaarPay hmang ani ta ding le inzawmin, Aadhar Card nei an pung pei chu India in cashless economy ni tuma a hmalkakna a thanguoi hle dinga hril a nih.

AadharPay chu January 23 khan Bank haiin dawrkai hai hmang dinga thurawn pe dingin sawrkarin thu a pek a. Aadhar card chu sawrkar-

in a hmang tangkai pei ta ding ani a, scheme hran hran haia fund khawm Aadhar card hmanga laksuok ni pei tang a tih.

March le May, 2014 inkar khan, Aadhar a inzieklut nitinin 3-4 lakh an um a, inzieklut chu an pung pei a, October, 2016 chena khan Aadhar a inzieklut nitinin 5-6 lakh an um phak a nih. Aadhar inzieklut ding le upgrade dingin huna nitinin 7-8 lakh a um zing bawk.

Finance Minister Arun Jailthey in a hril dan chun, Bank 119 hai chu AEPS leh inzawmna an nei tah a, chunga haia chun Rs. 33.87 crore transaction a um tah niin a hril.

Jail tang 33 thubuoii siem khum

MUZZAFFARNAGAR: Uttar Pradesh a Muzaffarnagar district jail a intang mi 33 hai chu hmangruo sukse a tang vengtu hai inthithaina an pek leia thubuoii siem khum an nih. Mi 33 hai laia 8 chu hrietchieng an ni a, midang 25 hai chu zawng suok tuma hma lak zing a nih.

Zani zingkar inhma

taka intang hai kuta mobile phone le sim card an man suoka inthawka buoina chu inthan a nih. Mobile phone chu Vivek a ta niin, tang vengtu han an lakpek le inruolun, gate bula intang dang hai leh pungkawm in, jail hmangruo-hai chu sukse in, jail gate pui tak khawm an suksiet bawk.

Voter laia upatak a zieklut Ludhiana-ah

LUDHIANA: Ludhiana District Administration in voter list a siem tharna ah, kum 263 mi Ashwani Kumar a thang veh a, ama chu India rama voter zieklut hai laia upatak a nih. Ludhiana a chun kum 100 chung voter 336 an um a, chunga hai laia a tam lem chu kum 60 khawm an la tling nawa hril a nih.

Ashwani Kumar a kum chu official haiin an thawsuol nia hril ani a, ama hril dan chun, kum 40 mi chau a la ni thu a hril a, voter card thar hnina a peklu ta a chu a la hmu naw niin a hril.

Ludhiana a chun midang kum khawm suksuol tam tak a um a, Krishna Maurya khawm kum 32 mi ani laiin,

voter card a chun kum 132 mi niin an ziek a. Maurya pasal, bank tawktu chun voter card thar hnina an pek hnung hun sawttak la hmu lova an um lai zing, DC office a inthawk phone call hungin, a nuhmei chu nuhmei voter hai laia upatak ani leia chawimawani an nuom thu an hung hril a, thil tlung chun a lung a t hawng hle thu a hril.

Electoral roll a voter hai kum hi thenkhat sut suol a um thei laiin, a thisa voter list a pei lo leia an kum indik tak sawm pei khawm an um tho. Ludhiana a Dalip Singh chu kum 109 mi nia dam zing anga ziek ani laiin, 2011 khan a thi dai ta a nih.

Tu hi Dai sak hun a ni nawh: Hassan Rouhani

TEHRAN: Iran President Hassan Rouhani chun, tu hi ram le rambung inkara dai sak (siem) hun a ni nawh tiin US President Donald Trump hming lam chuong kher lovin ramri dai saktumna a dem thu zanikhan a puong.

US President Donald Trump in zani hmasaa US le Mexico ramria ramri dai sak dinga order an suo le Iran thanga Muslim rambung haia inthawk visas peksuok khapna thu an suo le inzawma Mr Hassan Rouhani in hi thu hi a hril a nih. Rambung inkarah dai a lo um khawmin thiek le lakhmang ding a ni lem tiin Rouhani chun Tehran hmuna tourism convention huna a hril. Rouhani chun a thuhirlna hin direct takin visi ban chungthu a hrillang naw a, sienkhawm kum 2015-a World powers



hai le nuclear agreement a zieka inthawk Iran chun ramdangmi khuolzin hai ta dingin a ram sawrkar chun kawl a hawng zing thu a hril. US a hin Iran mi million khat chuong zet an um a, US in Visa nasa a puong hin an lungriin nasa takin a sukbuoi a, an ngaimaw hle a nih.

Visa ban hin Iran chau ni lovin Iraq, Libya, Somalia, Sudan, Syria le Yemen ram mi hai khawm a taw-

TRINITY COLLEGE AND SEMINARY

Sielmat, Churachandpur, Manipur
Diploma in Theology/B.Th/M.Div Program
Accredited by Asia Theological Association (ATA)

TCS invites applicants to undergo Theological Training for men and women who are called and committed to serve the Lord Jesus Christ as pastors, teachers, evangelists and missionaries for the academic year 2017-2018 (Classes commence on 1st June 2017)

COURSE	ELIGIBILITY	DURATION
Diploma in Theology (Dip. Th)	10 th Pass	2 years
Bachelor in Theology (B. Th)	10 th +2 pass/Dip. Th Pass	3 years
Master of Divinity (M. Div)	B. Th pass (above 60% GPA) B. Th pass/Secular Graduate	2 years 3 years

First Phase Entrance Examination 23rd February 2017 at TCS and all EFCI Presbyteries
Second Phase Entrance Examination 30th May 2017 at TCS only

For application and prospectus, contact:

DIRECTOR OF ADMISSIONS
Trinity College and Seminary
Sielmat, Churachandpur, Post Box: 2, Manipur - 795128
Telephone - 8974716670
Email: rom51@rediffmail.com

(28.29)

UP Election-ah BJP in vote hmun 3 a thea hmun 2 changin a hrat ding: Amit Shah



LUCKNOW: February 11 a inthawka tana phase 7 a Assembly election neina ding, Uttar Pradesh a BJP manifesto chu zanikhan BJP chief Amit Shah in tlangzarna a nei a, tlangzarna a nei mek laiin, manifesto chu mipui hai hamtharna dinga intiennana niin a hril a, Uttar Pradesh-ah BJP in hmun 3 a the a hmun 2 changin sawrkarna a siem nawk ding thu a hril.

ni dingin le, mi tukhawm siehnuoi lova inang tlang taka rorel ding sawrkar ni dingin kan intiem a nih" tiin Amit Shah chun a hril. Amit Shah chun, Narendra Modi thuoina hnuoia BJP in Uttar Pradesh chu state changkang takin a siem ding thu a hril a, India a state dang dang a suk-danglam angin, UP chunga khawm a thaw ve ding thu a hril.

ISRO in GSLV-Mark-III engine hlawtling taka ensinna nei

CHENNAI: Indian Space Research Organisation (ISRO) chun GSLV-Mark-III a dinga siem, Cryogenic Upper Stage engine chu zanikhan hlawtling takin ensinna nei. Propulsion Complex, Mahendragiri, southern Tamil Nadu-ah ensinna chu nei ani a, C25 a design engine chu second 50 sung ensin a nih.

Cryogenic Upper Stage chu ensinna an nei hunah, ngairuotna nei anga sin thaw

theiin, a thilthawtheina chu ani ang takin a suklang niin ISRO thusuok chun a hril a. Tuta mi hi tum hni ensinna an neina niin, second 640 sung vuong theina ding a nawk pha ensinna nei nawk ding niin thusuok chun a hril bawk.

Tuta tuma ensinna chu a hlawtling hle a ngai ani a, second 50 sung a sinthaw ding ang chipchier taka ensinna neia, a nina ang a suk-

lang thei chu inchik tlak tak niin ISRO chun a hril. A vavikhat ensinna a hlawtling taka thaw thei ani lein, ISRO chu a sinthawna ah an pek zie le, a themthiem zie chieng takin a suklang niin a hril bawk.

GSLV-Mark-III rocket, 4 tonne a rik inbiakpawna satellite phurto ding hi, tukum quarter hmasataka zofel le a sinthaw ding intantiri thei ani ta ding thu ISRO chun a hril.

Punjab-ah Drugs, Zu le Pawisa man

CHANDIGARH: Punjab a Assembly election nei dinga inbuotsaina a fe mek laiin, zani chen khan hmun hran hran-ah sumfai, zu le drugs tam tak man a ni a, Model code of conduct bawsietu thubuoii siem khum an ni bawk. Zani chena Punjab a drugs man po chu Rs. 12 crore manhu vel ani a, sumfai crore 5 le lakh 90 man niin, gold Rs. 26 crore manhu le zu Rs.

2.5 crore manhu hai man an nih. Model code of conduct bawsietu le inzawmin notice 1,061 insuo ani tah thu Additional Chief Electoral Officer Siban in a hril.

Punjab state a election fel le thienghlim taka nei ani theina dingin, flying squad 487 le squad team 506 haiin taima takin sin an thaw mek a. Zani chen khan complaint 12,792 hmu ani tah a, chunga hai laia 12,119 hai chu ch-

ingfel ani tah a. Paid news le inzawmin case 50 hmuuok ani tah a, chunga hai laia case 19 hai chu sukchieng ni tah in, case 7 hnawl ani a, case 24 hai chu hriethien an niin tiin Siban chun a hril.

Ni 2 sung aw NE Investors Summit Shillong hmunnah

SHILLONG: January 29, 2017 hin Union Textiles Minister, Smt. Smriti Zubin Irani chun 2-Day North East Investors's Summit hmasa tak ding chu Meghalaya khawpui, Shillong hmuna hawng a tih. Summit hi Ministry of Textiles le Ministry of DoNER of the Gov-

ernment of India han FICCI le CII hai le thanguola an huohiawt a ni a, summit thupui chu "Exploring Opportunities in North East Region" ti ning a tih. Summit a hin NE states tina industries le India rama investors lien hai thang an ta, Union Minister for DoNER, Dr. Ji-

tendra Singh; Chief Minister of Meghalaya, Shri Mukul Sangma; Minister of State, Home Affairs, Shri Kiren Rijiju; Minister of State, Textiles, Shri Ajay Tamta; Vice Chairman, NITI Aayog, Dr. Arvind Panagariya le midang dang han uop bawk an tih.

INHMUN INHMUN

Saikawt field bul, Thlak tiengpang RPC Biekin bul lai Plot tha tawktak, Huon thlai a puitlingsa umna kan thet.
A size 40x120
A man: Rs. 2,80,000/-
A dit hai chun a hnuoia contact No. a hin kan thei a nih.

Sd/- Lalnunmawi Zote
9615959932

(7-3)

ALPHA RESIDENTIAL HOSTEL

Neihisial Veng, Churachandpur, Manipur

Naupang thataka inchuktira enkawl dingin, hmun him le fienriel inchukna hmun dinga tha hawng thar a nih. Student phawt phawt lut thei wawng a nih.

Contact : 8729957302
9662360764
(Niengsangling & Lala)

MAITERS TUITION FREE

GOVERNMENT OF MANIPUR
DIRECTORATE OF MINORITIES AND OTHER BACKWARD CLASSES
1st FLOOR, SOUTH BLOCK, SECURED OFFICE COMPLEX, A.T. LINE, IMPHAL:MANIPUR

NOTIFICATION

Imphal, the 27th January, 2017

No.A/1/2016-MOBC(NSP): As informed by the Ministry of Minority Affairs, Government of India vide e-mailed letter No. 13/11/2016-SS dated 25/01/2017, it is hereby informed to all the concerned Minority students and institutes that the Ministry has decided to extend the timeline for verification of online applications under the scholarship schemes meant for minorities for the year, 2016-17 as under:

Pre-Matric, Post Matric and Merit Cum Means schemes for Minorities, 2016-17

Activities	Fresh & Renewal
Last date for scrutiny of online applications by Institute	08 th February, 2017
Last date for scrutiny of online applications by District/State/UT Department.	09 th February, 2017
Generation of Merit List by State/UT Department (for Fresh cases only) and forwarding to PFMS/MoMA	10 th February, 2017

All concerned are hereby requested to take immediate action for getting the applications verified within above timeline without any further delay. Ministry informed that this is the last and final extension of timeline and no further extension shall be granted.

Sd/- Kh. Dineshchandra Singh
Director/MOBC, Manipur

Kerala-ah internet a mi hlemtu man

THIRUVANANTHAPURAM: Kerala Police Cybercrime wing chun internet hmanga mi hlem hlaktu mi pahni an man. Cybercrime wing in complaint an dawngna le inzawmin zawng suokna sin taima takin an thaw a, man suoka um hai chu Delhi mi Munna Kumar Gupta alias Vijay Yadav (26) le Delhi mi tho Jasbeer Singh (54)

hai niin, New Delhi besana sinthaw an nih. Kerala Police in complaint an hmu le inzawmin, Vijay Yadav le Singh hai chu thubuoii siem khuma hrentang mek an nih a. Hieng hai pahni hin, www.indeed.com thangan website hran hran an siem a, sin ruok a um anga suklungin, mi tam tak hlein pawisa an lakpek hlak a nih.

R-Day Parade lawmman latu puong

NEW DELHI: January 26 a Rajgarh, New Delhi a National level Republic Day hmanga a category hran hrana lawmman latu hai puong lang ani tah a. Service category ah Madras Engineer Group haiin an lak a, Para-Military Forces category ah Central Industrial Security Force (CISF) contingent haiin an lak.

haiin a pathumna an lak. Central ministries le departments haia inthawk Skill Development hmanga 'Transforming India' ti thupui hmanga suklungtu Ministry of Skill Development and Entrepreneurship tableau in a pakhatna an lak a, Green India - Clean India ti thupui hmanga suklungtu Central Public Works Department chu special prize pek a nih. Kendriya Vidyalaya, Pitampura, Delhi in lam an entir chu inchuklai hai puola dingin competitive category-ah lawmman pek a nih.

Yak dance suklungtu Arunachal Pradesh tableau in lamna-ah 1st position an lak a, Hojagiri dance suklungtu Tripura tableau chu a pahinna niin, Maharashtra le Tamil Nadu tableaux

New president arrives from Senegal after his predecessor Jammeh was forced into exile Adama Barrow Gambia ram a lut



Gambia President thar Adama Barrow chu President dinga thlangtinga a um thla 2 zet Senegal-a an kul hnungin January 19, 2017 khan Gambia ram a lut ta a, ropui takin mipui han an lo tuok.

Ei hriet ta angin President hlui Yahya Jammeh in thuneina inhan nuomlo le thuneina a ninna inthawk inban nuom lova lulul an suo leia a thu le hla lova Adama Barrow hi thenum rambung Senegal-a tlanlut a ni a. Sienkhawm mipui le thenuam rambung haia inthawkwawna nasa tak lein a tawpah Jammeh chun an ram suoksanin thenum rambung political asylum in a tlanse ve thung

ta lein Adama Barrow hin Gambia President chel dinga an ram lut ta a nih. President hlui Jammeh kha military officer hlui, kum 20 vel liemtaa coup thawa Gambia ram lo awp ta a ni lein a rorelna kha mipuiin an nghawk ta leia December 1, 2016 nia Presidential election-a khan

Barrow hi an president dingin an thlangtinga a nih. Barrow chun a am mipui hai chu zhan hun haia suok le lungkham ding um lo zhan huna imu inhnik taka an in thei ta ding thu hrilin a mipuihai a thlamuon. Barrow hi thuthar um hma po chu a chengna inah la um phawt a tih.

Neha Dhupia Talk Show Season 2



Ranbir Kapoor, Chetan Bhatg, Kangana Ranaut, Sonam Kapoor le Kareena Kapoor han an zui ding a nih.

Thil iengkhawm um lovin a ru inlang rawt rawtin thil an hril hlak ding a nih. An hringnuna danglam tak tak dam, mi la hriet ngai lo thil dam indawn suokin an inhnik zawng le inhniknaw zawng hai dam hrlina hunin an hmgang tum a nih. Hiengna milarlai chanchin a ru inlang rawt rawta hrlina hai hi edit khawm thaw lova a ni ang ang pholang an ni ding a nih.

Neha chun hiengna Talk Show a hung thawna hi *The Ellen DeGeneres Show* le *Cyrus* han thafanna an pek a, a hung thaw ve nin a hrii. leng chenin am a hlawtling pei ding ti ruok chu a program feppu dan le hunin la hrii a ti.

Season 1 angin Season 2 episode tin hin minute 40 pei ning a ta, kar khatah vavi khät pei insuo ning a ti.

MUMBAI: Hollywood thaw dan dan Bollywood khawmin a entaw ve hla-ka, mi tamtak film tien-ga hlawtling bek naw hai khawm TV reality show or Talk Show tienga hlawtling tak tak an um hlak a. India ram khawm Talk Show an thaw chi tak tak ta ding niin an lang a, entu an tamin tho thui khawm a sukphur hle. Bollywood star mäni puola "podcast" (Talk Show) tan hmasa pawl le hlawtling pawl tak Neha Dhupia chun #NoFilterNeha Season 2 a buoipui mek. Season 1 ah

Pakistan Actress Maharia'n A Hrilfie

MUMBAI: Pakistan mi India rama chance lung zawng ve, Shah Rukh Khan leh a debut film "Raees" changtunu hlawtling-tak Mahira Khan chun tulaia mi tamtakin an hrisitetai a hrilfie. A film in pawisa tamtak a hui lut zing lain "Raees" changtunu Pakistan actress Mahira Khan chun news portal thenkhatin Mumbai Santacruz ah ruol pakhat leh umin film dang dangin audition a thaw zing a. Goregaon ah khawm ruol neiin a fe zing zing hlak tiin an ziek a. Hi thi hi Mahira Khan chun belchieng dawllo a nih tiin a hrii. "I have

been misquoted, videos were taken out of context...but this is completely ridiculous!" tiin a ziek.

Mahira Khan hin Uri incident zova in-thawk an film promote-na haia khawm a t hang phal lova khuokhir a nih a. Pakistan a tlung hnungin nasatakin India a hrisiet ti damin intumna a dawng teu bawk. Mahira Khan film hmasatak "Raees" hi Aamir Khan film "Dangal" le Salman Khan "Sultan" le Hrithik Roshan film "Kaabil" hai category a sum lam rawntaka film a nih a. Film dang khawm la chang pei a tum thu a hrii bawk.

Trump in Syrian refugee hai US an lut a khap



WASHINGTON: US President Donald Trump chun tuta inthawk thuthar um nawk hmakhata dingin Syrian raltlan hai United States (US) an lut a khap. Hi baka hin muslim rambung deu vavng Iraq, Syria, Iran, Libya, Somalia, Sudan le Yemen ram mi hai kuomah US lutna ding visas pekdawka chu thla 3 sunga

dingin a sukchawl bawk. Hi thil hin diplomats hai ruok chu a huomsa nawh. Hi thil hi US a inthawk radical Islamic Terrorist hai inthiefaina dinga thaw a nih tiin Mr Trump chun a hrii. Hieng laizing hin Trump thilthaw hi Rights group hai chun an dem hle a. US a Syrian refugees hai le terrorism in inlaichinna an neinaw thu an hrii. Trump

Sports:

Professional Boxing Event



IMPHAL: Vawisun hin Khuman Lampak Sports Complex, Imphal-a Indoor Stadium-ah Professional Boxing Event um a ta, khawvel rambung tum tum haia professional boxer-hai an thang tawling ding a nih. Maniupr a ding chun hiengang profes- sional Boxing event hi a um vawikhatna ding a la nih. Manipur mi L. Sarita Devi le Hungary mi Zsofia Bedo hai khawm an in-bei ding a nih. Mani ram ngein inkhel thei dinga a um chu a lawm hle thu Sarita Devi chun a hrii.

FA CUP FOURTH ROUND RESULT

Wes Morgan goal leiin Leicester City chun Replay an hlaw hram

Zani zan (Pathienni zan) khan FA Cup Fourth Round inkhel tan a ni a, English Champions Leicester City chun Derby County an inkhelpui a. Inkhel tan hlima inthawk minute 8 na chauah Derby County player Darrent Bent chun an Goal tieng a suklt nghal a. Leicester City chun goal hma an thuoi ta a nih. Anachu anni goal tieng thun pal Darrent Bent bawk chun minute 21 na chauah an team ta dingin goal a hung thun nawk leiin an siphur an hung süt ta a nih. Derby County player Craig Bryson chun minute 40 naah goal a thun a, half chenah Derby chun 2-1 in hma an thuoi a nih. Hieng anga Derby County an hrat sawng ta ding anga ngai a ni hnungin minute 87 naah Wes Morgan chun Leicester ta dingin goal a hung thun

Arsene Wenger touchline ban pek



LONDON: English Football Association hai chun Arsenal manager Arsene Wenger chu match li sungaw dingin touchline ban an puong khum. Pathienni hmasaka, Emirates Stadiuma Burnley le an inkhel t um khan Arsene hin fourth official Anthony Taylor mawilo taka a tawng khum leia hi hremna hi a tuok a nih. FA hai chun "Arsene hi tir dawka a um le

Leicester City Manager Claudio Ranieri chun, 'Inkhel harsa tak a nih. Goal kan thun a, anachu dam te'n kan hung tlahuoi nawk a, goal pahni an hung thun nghal a, second half kan tan tha hle a, goal thun theina khawm remchang a tam, anachu hrat naw el thei dinga kan um hnungin Morgan chun a mi hung sansuok ta a nih,' tiin a hrii ve thung.

* Derby County le Leicester inkhel chungchanga hriet ding awm hai: * October 2016-a inthawka Steve McClaren in Derby County a enkawl a inthawk an khelmuolah vavikhat khawm an la tlawm nawh. * Hi zana Wes Morgan goal thun hi Leicester ta dingan an khel nuhnung 28 laia a goal thun hmasa tak a nih.

Robbie Williams Le A Nuhmei Hek



LOS ANGELES: Pharaoh nuhmei anga mäni personal secretary hai hmgang tangkai tum ang an lo um ve laiin mäni puhai laka inthawka hlawkna tamtak lo intel tum khawm an um ve pei bawk a. Hausakna le hming inthangna dit leiin tamtak chun ieng thil khawm an thaw rin naw bawk a, milarlai khawvela lem hin chu thudik le thudik lo hriet an tak chang a tam em em.

Hlasakthiem le milär Robbie Williams le a nuhmei Ayda Field hai an Personal Assistant hui Gilles De Bonfilhs in sexual harassment case a siem khum a. Nuhmei pasal thilahl mawinaw tak le indik naw takin an thaw hlak niin LA Court-ah a hek. Abikin Williams nuhmei Field chun, "saruk deu-thaw" a umin, wavi tamtak "private room-a lut dingin" le "a taksa hai suklangin "sex thil chi hrian hrian" thu an dawn hlak niin a hrii.

"Angry Young Man" Amitabh-in SRK Lawmpui

MUMBAI: Hindi cinema Bollywood a "The Angry Young Man" tia hriitlar tak original Amitabh Bachchan chun, ama upat hnunga tlangval lungsen lem a chang thei tanaw hnungin Shah Rukh Khan-in "Raees" ah "The Angry Young Man" lem a hung changna le a film hlawtlingna a lawmpuina thu a thawna, Twitter-ah a post bawk.



"Raees" ah hin Shah Rukh Khan chu character infuk rak lo, tharum le thawluina hmgana sum-dawng, thahratna leia hlawtling, dan naw khawm ni sienla thawluina hmgana mihai hnebanu te ti dawr dawra siemtu, Gujarat sawrkarin zu a khap laia zu leia hausa lem a chang a. A lem chang thiemna leia a film hlawtlingna chu record a la kai a nih. Lungsenna, hmangaina le phuba lak nuomma le tiina hai chun misuol a nina nek hmanin a mizie a pholang a, chu mizie, mania suok lungsenna

chu an chang thiem leiin en nuoma a hlawa a hlawtlingna a nih.


Amitabh Bachchan chun Twitter ah, "T 2515 - Congratulations Shah Rukh...RAEES...loved your anger in it!" tiin a ziek. Shah Rukh Khan hin Amitabh Bachchan lungsenna a entawn hlak a, tulai Hindi film star pasal mäni khät chauh deu thawwa film hlawtlingna inltuntu ni thei umsun chu a ni el tah. Amitabh khawm kha film a hlawtlingna tak hlak chu ama zar a ni hlak. Film tamtak chu starring hai t

hlak nia hrilin "sexual harassment, discrimination le breach of employment and fraud" case a siem khum a nih.

Los Angeles Superior Court ruok chun Williams hai nupa heka an umna hi, "thudik lo besan ding nei lo le asan ding awm khawm hrietlo" tiin a hnawl pek (dismissed with prejudice) a nih. A umzie chu Court ah thubuo ai anga laklut nawk thei nih tah naw nih tina nih. Williams hai nupa chun heka an umna thu "theidaum tak thukhel" tiin an hrii ve a. Khela intumna le inshukhmingsietna tiin an hek let ve thung a nih.

Gilles De Bonfilhs kha thla thun hnungah "mäni sin inthlada le thil diklo thaw rawp" leia a sina inthawka ban a nih tiin an hrii bawk a. Gilles ukil ruok chun Court-in an case a peihmgang pekna hin court puotienga inremna a um le um naw iengkhawm a hrii nawh.

Barbar Hale (94) Muol A Liem



SHERMAN OAKS: Emmy Award le TV-a award insangtak 1959 a lo dawng tah Barbara Hale chu zani khan kum 94 mi niin a chengna Sherman Oaks, California ah muol a liem tah niin a naupa Willaim Katt chun Facebook ah a post. Barbara hi 1940s le 1950s laia inthawka inlar tah a nih a, TV serial seitak "Perry Mason" ah criminal defence lawyer (Raymond Burr) secretary niin film tamtak a chang bawk a nih.

An larna bek bek chu legal TV drama "Della Street" kha a nih. Mi hrian a hlawtlingna chu 1943 musical "Higher and Higher" Frank Sinatra leh hla an sakna kha a nih a. "West of the Pecos" (1945) "The Window," "Jolson Sings Again," "And Baby Makes Three" (1949); "The Jackpot" (1950), "Lorna Doone" (1951); "A Lion Is in the Streets" le "Semi-

Sir John Hurt Fam Muol A Liem



LOS ANGELES: Veteran British actor le Oscar nominated, Hollywood-a hlawtling em em Sir John Hurt chun hun sawttak "pancreatic cancer" leia natna khuma a zal hnungin zani khan a thi tiin a talent manager John Crosby representative Charles McDonald chun Reuters a hrii. Kum 77 a nih. "The Elephant Man" le "Midnight Express" haia Oscar nomination lo hmu tah, film 2000 neka tam le TV series tamtak thang tah Sir John Hurt hin 2015 khaan "early stages of pancreatic cancer" a nei thu a puong a, treatment a zo pha film a sunzawm nawk ding thu a hrii la chu a thi tiin a nih. Sir John hin Oscar nominated "Jackie" ah khan, America President kap lum John F. Kennedy nuhmei Jacqueline Kennedy (Natalie Portman) thlamuontu Pastor lem a chang a. Sundance TV crime serial inlar tah "The Last Panthers" ah a chang bawk. Ama hi Derbyshire, England a inthawka US pem a nih a. Supporting actor Oscar nomination a hmunna hmasatak chu, 1978-a

"Midnight Express", Turkey Jail-a intang drug smuggler Billy inpawl thatpuia ruola siemtu drug (heroin) addict lem a changna kha a nih. Best Lead actor Oscar nomination hmasatak chu "The Elephant Man" ah Victorian hun laia piengsuol pakhat, dirienna le neksawrna kara a mirhiem nina indiktak suklang tum beitu lem a changna kha a nih a. Hieng film 2 haia hin Britain film award insangtak BAFTA chun 2012 kha a dawng. Science-fiction "Alien" original 1979 ah khaan main part a play bawk a. A film changna inlar tah chu "Harry Potter" series-a magic hmawil siemtu Dr Ollivander kha a nih. TV tieng chu BBC sci-fi series "Doctor Who" a nih a. "Doctor Who" lem chu 2013 kha kum 50 a tingna anniversary a nih tah.

Serena in a vavi 23na dingin Grand Slam title lak



MELBOURNE: Australian Open fe mek chu a vawrtawp tlungin zanikhan Women's Single title-ah Serena Williams chun unaunu Venus chu 6-4, 6-4 hnein a vavi 23na dingin Grand Slam title chu alo lak nawk der tah. Ama hi world number one hmun chel sawttaktu player niin kum 6 sung lai achel a nih. Kum 14 liemta khan Serena hin Gran Slama a title hmasatamna dingin a unaunu bawk hi a lo hne ta a nih. Anni unau hi Tennis khawvela ding chun a chalngan tak niin an inbeit-aw hle bawk a nih. Major final-a vavi 9 lai inhmuitain, Serena hin vavi 7 zet hratna alo changta a nih. A nunaunu baka hin Serena

Nagaland in bronze medal an dawng



Dimapur: 1st Youth National Boxing Competition - 2017, Delhi khawpuia huohawta uma chun Nagaland haiin bronze medal an lak. Hi competition hi Boxing Federation of India (BFI) in a huohawt niin naupang kum 17 - 18 inkar, team 30 anthawk inkhelmi 5000 an thang. Hi inelnaa hin Nagaland anthawk mi 10 thangin chu hai lai pasal 7 le nuhmei 3 an thang. Bronze medal hi +91-Kg

FOOTBALL FIXTURE
Sunday: 29 Jan. 2017
Primera Division
01:15 Leganes Vs Celta de Vigo
16:30 Real Betis Vs Barcelona
20:45 Espanol Vs Sevilla
23:00 Athletic Club Vs Sporting Gijon
FA Cup
17:30 Millwall Vs Watford
18:00 Fulham Vs Hull City
19:30 Sutton United Vs Leeds United
21:30 Manchester United Vs Wigan Athletic
Bundesliga
20:00 Freiburg Vs Hertha BSC
22:00 Mainz 05 Vs Borussia Dortmund